



ISLAMSKA ZAJEDNICA U BOSNI I HERCEGOVINI
REISU-L-ULEMA

Broj: 01-06-2-1024/19

Datum: 9. džumade-l-uhra 1440.

14. februar 2019.

Islamska zajednica Bošnjaka Sjeverne Amerike

Predmet: Sergija za otplatu vakufa u Washington D.C.-u,

U ime Allaha Milostivog, Samilosnog

Poštovane džematlije, dragi imami i predstavnici džemata, cijenjeni Bošnjaci i Bošnjakinje,

Esselamu alejkum,

Islamska zajednica Bošnjaka Sjeverne Amerike je 2018. godine ispisala historiju za sve Bošnjake a posebno za Bošnjake Sjeverne Amerike po dva osnova. Prvo je odlukom Sabora IZ-e u BiH IZBSA postala muftijstvo i samim tim učvrstila svoju poziciju u našoj Zajednici. Ovim činom IZBSA je ojačala neraskidivu vezu sa maticom i jedinom nam domovinom Bosnom i Hercegovinom i našom duhovnom maticom koja nas veže za Plemenitog Poslanika, a.s., Islamskom zajednicom u Bosni i Hercegovini. Drugi historijski korak je kupovina vakufa, odnosno sjedišta muftijstva za Sjevernu Ameriku u glavnom gradu SAD-a Washington D.C.-u. Ova druga vijest je došla kako ohrabrenje za sve Bošnjake kako u domovini tako i u domovinskim zemljama i dijaspori. Danas živimo u vremenu kada svojim aktivnim prisustvom u svijetu i jačanjem veza sa našim prijateljima moramo sačuvati ono što smo krvlju najboljih sinova i kćeri našeg naroda odbranili. U tom smislu naše prisustvo u Washington D.C. nije značajno samo za očuvanje vjerskog i nacionalnog identiteta Bošnjaka u Sjevernoj Americi, nego postaje i suštinski važan nacionalni cilj.

U protekle dvije decenije, Bošnjaci Sjeverne Amerike pomogli su mnogobrojne projekte kroz Islamsku zajednicu i izvan nje, svoje dobročinstvo ste ovjerili nebrojeno mnogo puta, i vaš doprinos se visoko cijeni. Sada je došlo vrijeme da po prvi put, drage džematlije, vi lično podržite nešto što je prvenstveno vaše i što ćete decenijama i stoljećima ako Bog da, doživljavati kao svoje, a to je vakuf, sjedište muftijstva u Washington D.C.-u. Ovo je generacijski projekat čitave naše Zajednice, a posebno IZBSA.

Cijela Islamska zajednica u BiH i ja kao reisu-l-ulema doživljavamo vaš uspjeh kao svoj, i stoga smo podržali ovaj projekat, te očekujem i od vas da svojim doprinosom ugradite sebe u ovo trajno dobro koje će udariti temelje još boljoj i svjetlijoj budućnosti Bošnjaka na ovim prostorima, dobro koje će pomoći da se glas Bošnjaka i bosanskih muslimana daleko čuje i izvan granica SAD-a, dobro koje će pomoći očuvanje svega onoga što naša vjera, naša tradicija i kultura baštini.

Stoga vas pozivam da svojim priložima podržite sergiju koja će, voljom Milostivog, biti organizovana u petak 1. marta 2019. godine u svim džematima na prostoru IZBSA, te da budete dio ovog historijskog projekta za Bošnjake i Islamsku zajednicu. Kao što vas pozivam da i u buduću ostanete vezani za našu Zajednicu i da budete podrška muftiji Sabahudin ef. Čemanu i svojim imamima u njihovom nastojanju da očuvaju naše jedinstvo u predanosti samo Jednom Bogu.

S poštovanjem,

Husein ef. Kavazović
Reisu-l-ulema

